

Broj: 440-02/815
Datum: 13.10.2020.

Radio-televizija Federacije Bosne i Hercegovine

Na osnovu Člana 35. Zakona o Javnom servisu Radio-televizije Federacije Bosne i Hercegovine (Sl. novine 48/08), Člana 70. Zakona o javnim nabavkama (Sl. glasnik 39/14), te preporuke Komisije za javne nabavke broj: 4110-26/428 od 15.04.2020. godine, donosim

ODLUKU

**o izboru najpovoljnijeg ponuđača u otvorenom postupku javne nabavke za
„Računari i prateća oprema“**

LOT 5 - Mrežna instalaciona i prateća oprema

I

Na osnovu provedenog otvorenog postupka javne nabavke Računari i prateća oprema LOT 5 - Mrežna instalaciona i prateća oprema za potrebe Radio-televizije Federacije Bosne i Hercegovine broj nabavke: **JN 6/20**, a prema odredbama Zakona o javnim nabavkama BiH, objavljen na portalu javnih nabavki dana **16.09.2020. godine**, broj obavještenja: **1343-1-1-159-3-35/20**, a po osnovu kriterija najniže cijene prihvatljive ponude izabran je ponuđač:

- **LOT 5 Mrežna instalaciona i prateća oprema-INTER-COM d.o.o. Zenica sa ponudom od 11.998,90 KM (slovima: jedanaesthiljadadevetstotinadevedesetosam KM 90/100 KM)**

II

Ova odluka stupa na snagu danom donošenja.

Obrazloženje

Dana 16.09.2020. godine godine na portalu javnih nabavki objavljeno je Obavještenje broj 1343-1-1-159-3-35/20 u postupku nabavke Računari i prateća oprema LOT 5 - Mrežna instalaciona i prateća oprema za potrebe Radio-televizije Federacije BiH. Procijenjena vrijednost javne nabavke iznosila je: 12.000,00 KM (slovima: dvanaesthiljada KM).

Kao rok za preuzimanje tenderske dokumentacije određen je 25.09.2020. godine Tendersku dokumentaciju preuzeli su sljedeći ponuđači:

1. PARTING D.O.O. ŠIROKI BRIJEG
2. OR TARIK
3. COSPEX D.O.O.
4. PR "MEDIA MARKET"
5. DOO INGEL TUZLA
6. SET UP S

7. BBS EUROPE4403188520008
8. MEDIA MARKET D.O.O.
9. AERO EXCLUSIVE DOO
10. EKAPIJA DOO
11. PRINTEX
12. PROINTER ITSS DOO
13. ASBIS D.O.O.
14. TIMOS D.O.O. SARAJEVO
15. INTER-COM DOO ZENICA
16. "DIGITAL LINE" D.O.O. SARAJEVO
17. DISTI D.O.O.
18. IMTEC D.O.O. SARAJEVO
19. JAVNO PODUZEĆE HRVATSKE TELEKOMUNIKACIJE D.D

Rok za dostavu ponuda na adresu ugovornog organa bio je 06.10.2020. godine, a dostavljene su tri ponude ponuđača:

1. DIGITAL LINE d.o.o. Sarajevo

Početna cijena ponude bez PDV-a : 11.858,72 KM

Početni popust: -

Početna cijena ponude sa popustom bez PDV-a: 11.858,72 KM

Cijena ponude sa PDV-om: 13.874,70 KM

2. TIMOS d.o.o. Sarajevo

Početna cijena ponude bez PDV-a : 9.379,38 KM

Početni popust: -

Početna cijena ponude sa popustom bez PDV-a: 9.379,38 KM

Cijena ponude sa PDV-om: 10.973,87 KM

3. INTER-COM d.o.o. Zenica

Početna cijena ponude bez PDV-a : 11.998,90 KM

Početni popust: -

Početna cijena ponude sa popustom bez PDV-a: 11.998,90 KM

Cijena ponude sa PDV-om: 14.038,71 KM

Obavještenjem o nabavci i tenderskom dokumentacijom predviđeno je provođenje e-aukcije. Komisija za javne nabavke ustanovila je slijedeće:

1.) DIGITAL LINE d.o.o. Sarajevo

Prema mišljenju stručno-tehničkog člana Komisije, ponuda DIGITAL LINE d.o.o Sarajevo, ne zadovoljava tehničke zahtjeve tražene tenderskom dokumentacijom.

Obrazloženje:

1. Ponuđač DIGITAL LINE d.o.o je u svojoj ponudi, na strani 8 ponude, u „Tabeli obrazca za cijenu ponude“ u redu 11 naveo da nudi „Mrežna instalaciona priključnica muška na kabal, kategorije 6, 6a, 7 i 7a, oklopljena sa plastičnom zaštitom, komada 100“.

Na strani 54, gdje je data specifikacija ponudene opreme, red 11, naveden je „KOD Q7151792S“. Uvidom u dokumentaciju Proizvođača – Isporučioca „Schrack“ utvrdio sam da postoje dva slična koda KOD Q7151792S6 i KOD Q7151792S7. Tenderskom dokumentacijom je traženo:

Citat iz TD

„Mrežna instalaciona priključnica muška na kabal, kategorije 6, 6a, 7 i 7a, oklopljena sa plastičnom zaštitom, komada 100

Ponudena priključnica mora zadovoljavati kategorije 6, 6a, 7 i 7a. Veličina kabala promjera do AWG 23 po jednoj čvrstoj žici ili licnastoj. Mora podržavati kablove prečnika dimenzija 8mm. Mora imati PVC zaštitu – pregibnicu“.

a) Ako je ponuđač „mislio“ ponuditi priključnicu sa kodom Q7151792S6, koja ima plastičnu zaštitu, ona ne zadovoljava, jer je predviđena samo za kategoriju 6 (Cat 6), što nije u skladu sa zahtjevom iz TD gdje je traženo da priključnica podržava kategorije 6, 6a, 7 i 7a .

b) Ako je ponuđač „mislio“ ponuditi priključnicu sa kodom Q7151792S7, koja nema plastičnu zaštitu - pregibnicu, ona zadovoljava – podržava kategorije 6, 6a, 7 i 7a, ali nema uključenu plastičnu zaštitu - pregibnicu. Plastičnu zaštitu - pregibnicu za konektor je trebalo ponuditi odvojeno kako je traženo u tenderskoj dokumentaciji.

Zbog navedenog se ne može zaključiti, šta ponuđač nudi.

2. Ponuđač DIGITAL LINE d.o.o je u svojoj ponudi, na strani 54 ponude, u tabeli pod rednim brojem 17.1 ponudio priključnicu - modul sa kodom HSEMRJ6GWS. Podaci za ponuđenu priključnicu - modul na linku ispod.

<https://www.schrack.ba/trgovina/informaticka-tehnologija-sat/kabliranje-bakrom/toolless-line-modularni-sustav-cat-6a-cat-6-cat-5e-stp-i-utp/uticni-moduli/toolless-line-modul-rj45-oklopljeni-cat-6-schrack-format-a-sfa/toolless-line-uticni-modul-rj45-cat-6-oklopljen-sfa-hsemrj6gws.html>

Tenderskom dokumentacijom je traženo, citat iz TD:

„Priključna zidna kutija (n/ž) sa dva RJ-45 Cat 6a 10GB ženska priključna mjesta - oklopljena, komada 16.“

Ponudena priključna zidna (n/ž) kutija se sastoji od:

1. Dva priključna modula – ženske priključnice RJ-45 oklopljena
2. PVC prednji dio – maska za montažu dva priključna modula – utičnice
3. Zaštitne kutije - rama za montažu na zid (n/ž)

Ponudena pojedina priključnica (ženska) - modul na priključnoj kutiji mora zadovoljavati kategoriju 6a i rad u 10 GB okruženju sa instalacionoim kablom AWG26 - AWG22. Mora zadovoljavati standarde ISO/IEC 11801 dopuna 2 (2010-04), IEC 60603-7-51 Verzija 1 (IEC 48B/1977/CDV (2008.12), IEEE 802.3an TM-2006, EN 55022 EMC, i EEC 60512-4-IDC. Kućište mora biti metalno oklopljeno sa ravnim uvodom kabla.

Tražena je priključnica čiji su parametri:

<https://www.schrack.ba/trgovina/informaticka-tehnologija-sat/kabliranje-bakrom/schrack-4-home-multimedijalno-kabliranje/uticni-moduli/toolless-line-modul-rj45-oklopljeni-cat-6a-schrack-format-a-sfa/toolless-line-modul-rj45-oklop-cat-6a-10gb-4ppoe-100w-sfa-hsemrj6gwa.html>

- a) Ponuđena priključnica - modul ne odgovara traženoj kategoriji 6a, ponuđena je kategorija 6.
- b) Ponuđena priključnica - modul ne zadovoljava – nije predviđena za brzine od 10Gb, predviđena je za brzine do 1Gb.
- c) Ponuđena priključnica - modul ne zadovoljava standarde tražene tenderskom dokumentacijom

Zbog navedenog, ponuđač DIGITAL LINE d.o.o ne zadovoljava zahtjeve iz tenderske dokumentacije.

2.) TIMOS d.o.o. Sarajevo

Prema mišljenju Komisije, ponuda TIMOS d.o.o Sarajevo, ne zadovoljava zahtjeve tražene tenderskom dokumentacijom.

Obrazloženje:

Komisija je u postupku pregleda i ocjene ponude ponuđača TIMOS d.o.o. konstatovala da vezano za tačku 7.3. *Ekonomska i finansijska sposobnost* ne sadrži sljedeće dokaze:

poslovne bilanse ili izvode iz poslovnih bilansa za posljednju finansijsku godinu. Ako ne postoji zakonska obaveza objave bilansa, ponuđač će dostaviti izjavu ovjerenu od strane nadležnog organa,

dokument/ dokaz koji izdaje banka ponuđača u kojoj je otvoren glavni račun ili druga finansijska institucija (npr. Centralna banka BiH), u skladu s pozitivnim propisima, a kojim se dokazuje ispunjenje uslova da je transakcijski bankarski račun ponuđača aktivan.

Na osnovu dostavljene dokumentacije, te uvidom u istu, Ponuda TIMOS d.o.o. ne ispunjava uslove tražene tačkom 7.3. *Ekonomska i finansijska sposobnost*.

U skladu sa nevedenim i Pravilnikom o uslovima i načinu korištenja e-aukcije tačnije članom 3. stav (3) ugovorni organ nije proveo navedenu aukciju. Budući da je prihvatljiva samo jedna ponuda ponuđača INTER-COM d.o.o. Zenica. Ugovorni organ RTV FBiH je postupio u skladu sa Pravilnikom o e-aukciji, te za nabavku roba Računari i prateća oprema LOT 5 Mrežni instalacioni i prateća oprema nije zakazao.

Shodno navedenom, a cijeneći obrazložen i jednoglasan prijedlog Komisije za javnu nabavku iznesen u Preporuci o izboru najpovoljnijeg dobavljača broj: 4110-26/564 od 12.10.2020. godine, odlučeno je kao u dispozitivu ove Odluke.

Pouka o pravnom lijeku

Na ovu odluku dozvoljena je žalba u skladu sa Članom 101. Zakona o javnim nabavkama Bosne i Hercegovine (Službeni glasnik BiH 39/14).

Žalba se podnosi u dovoljnom broju primjeraka koji ne može biti manji od četiri na adresu ugovornog organa: Radio-televizija Federacije Bosne i Hercegovine, ul. Bulevar Meše Selimovića broj 12, 71000 Sarajevo.

RTVFBiH

Džemal Šabić, generalni dir.

